

安徽省縣志輯

中國地方志集成

卷一百一十五

嘉慶蕭縣志

卷一百一十六

中國地方志集成

安徽府縣志輯 ②9

乾隆碭山縣志

嘉慶蕭縣志

同治續蕭縣志



江蘇古籍出版社 ● 上海書店 ● 巴蜀書社

責任編輯 王劍
封面設計 范一辛
美術編輯 姜嵩

中國地方志集成

安徽府縣志輯②⑨

出版發行 江蘇古籍出版社

社址：南京市中央路一六五號

發行部電話：〇二五—三三三三四六二

郵編：二一〇〇〇九

印刷 上海市印刷七廠

定價 二九〇元

1998年4月第1版第1次印刷

ISBN 7—80519—986—8/K·465

陽山縣志舊序

王廷卿

明 王廷卿

粵自書契興而國史有作其來舊矣先秦列國皆有史官掌記時事外史職之有表有圖有傳有書間或不同變之足以稽吏治察民俗俯仰今古則覽方輿備國史之採錄爲用一也庚午冬予蒞官茲上見其庶事草畧輒欲興廢補敝振起式微而邑乘漫無可考所存者郡志附錄之一二耳緬維隆慶紀元詔修嘉靖實錄予時筮仕吳庠繆膺蘓松常鎮四郡採纂之任矧今聖天子

陽山縣志舊序

一

臨御復修隆慶實錄顧茲邑乘厥惟攸司而尙可以緩圖之哉乃者祇奉大中丞王公聘延文儒相與肆考古今填典暨博圖經傳記舊諸故老見聞間附已意題勉從事而義類凡例實憲副馮公爲之指授者也哀既成書郡刺史劉公則又助以罰鍰俾梓行之予惟後之視今猶今之視昔使秦漢以來數千年之缺典踰三時而告成於是邑不無小補第萬卷非鄴侯秘書非世南窺豹之誚固所不辭若自今以往人物之益盛宦蹟之益彰與夫戶口之日增風俗之日厚爲政君子相繼而增

人焉則一方之勝因文以傳端有賴矣是爲序隆慶壬申孟秋既望

明 李嘉言

隆慶庚午冬十二月龍峯王公以荆南鄉進士令吾陽謂予曰志史也古者國必有史陽無志是無史也無史則一方之文獻罔有攸徵豈非缺典歟緣初政案牘旁午姑未暇及越明年政通人和百廢俱舉遂具其事請于諸當道咸曰可公乃授簡於予俾之採摭予惟陽於古爲豫州之域自秦罷侯置郡而陽始名自漢高隱於

陽山縣志舊序

二

芒陽以開王業而邑之名益著要亦中原名區英雄豪傑所自出之地奚獨以文獻缺焉無乃兵火於五代淪喪於金元而然耶夫前旣無聞後將焉述乃取一統志通志綱目諸書逐一緝閱仍參之徐志重加考訂然後撫拾數事萃爲一編大抵春秋以前遐哉邈矣靡有所稽秦漢而下掛一漏萬然亦未得其詳乃若天文地理之麗上麗下雖其本體如是不日中和之當致乎人事人物藝文之類雖皆與時高下不日變易以從道乎故曰志者言乎心之所之匪徒以文爲記而已也君子誠

知此義達而見之於行則正大光明之功業樹焉窮而
筆之於書則是非得失之鑒戒存焉志豈細務云乎昔
孔子作春秋曰其文則史他日又曰吾志在春秋是知
凡今郡邑有志蓋亦取法春秋之遺意也視爲細務而
忽焉可乎哉用是銓次既成錄以上公公閱之大加筆
削更定過半授之梓人復命予序之末簡噫斯志也以
吾碭數百年之缺典而一旦刊爲成書可徵可信以傳
不朽公之志行矣其嘉惠後學垂鑑來牧有功於斯邑
豈淺鮮哉顧予山林棄材叨竊餘光子陽之誚吾固知

碭山縣志

舊序

三

其不能免也夫隆慶壬申孟秋既望

明練國事

沛邑令

邑無志非古也志何倣乎以取傳直如丞相何之收圖
籍知戶口耳日以寓春秋之義也若張大其詞以山川
人物爭勝而風化關頭泯滅無聞勸誠之謂何王政何
取焉碭之有志所從來矣自黃河奔決一時城郭蕩爲
黍離而圖書漂漫盡飽蛇龍亦文獻之一見也當事者
豈不動色於無徵而作楚稅桑倦焉未遑此段公案姑
從謙讓耳及陳君下車拮据五載肉起色飛而後問棗

梨爲邑乘計噫何其禮樂之明備乎余幸與陳君共事
一方知君最深會兩入花郊而蒲之三善碭實過之今
志成而問序於予予嚮觀陳君之實政早已知此志之
爲信史也夫陵谷滄桑轉盼易位富貴功名終歸塵土
山川人物者志之槩而非其與衰理亂之源也若按圖
而繪直可問諸丹青循事而書一僉父能言之耳何必
出白大儒之手也而况黑白顛倒失春秋之義古有以
蜀之十萬緡不能博一姓字者彼何人哉則與其濫等
無寧闕文陳君所爲遲遲而後志也蓋有公案於境上

碭山縣志

舊序

四

有信史於胸中而後有此剗剗之梨棗也他不具論如
碭受河之後以一二頑民偶激甘心長吏遂闔邑抱不
醇之冤謂習俗實然豈其然乎陳君德化疾於風雨聞
公役皆子來而禦寇多出死力者此足自前事矣陳君
以此點竄志中碭之人不啻重觀天日褒鉞高懸風化
一新志若此文獻何患其無徵哉予固因陳君之志而
敢以維持風化並告之守志者則碭之山川人物當永
與日月爭光可也此陳君之意也萬歷戊午孟冬

明陳秉良

邑令

邑有志猶國有史也上下古今何國蔑有昔諸葛武侯治蜀志圖興復軍務旁午忘設史官後徒掇拾於陳壽之筆而事多缺畧論者惜之矧故有志不知廢自何時隆慶壬申前知縣龍峯王先生慨然修舉苦無可考惟採郡志綱鑑通紀諸書而纂集之噫亦畧矣庚子之歲火延縣治志籍復燬幾二十年所矣予下車四顧城市蕭條蓬戶土室風沙草木愴然於懷然歷問往事已如夢語及今弗輯後雖有作者而欲求斷簡殘篇於故老也得乎哉乃謀諸學博士劉君曰邑有博士見龍王君

碭山縣志

舊序

五

者博雅君子也輯縣志無逾斯予造廬而請王君逡巡若無當久之颺勉以從甫二旬而書成予閱之邑里如故也界域如故也黃河之環遶如故也賦役之昔繁而今減也戶口之昔散而今聚也人物之昔載而今有增加也他如建置沿革必考其故流風遺址必溯其原尤於忠孝節義必要其據匪是寧闕不濫事任怨不任德故其文雅其事核津津乎成一家之言也微王君力弗及此抑予猶有說焉地因人重人以志傳誌言士心也邇來江北人文日盛在在科第起家而碭士不登天府

幾至百年書成覺闇而無色此豈風會之流歟司教之缺歟抑士心之未純歟予歷官茲土無能振拔徒愧也已倘諸士聞予言勃然奮發然任他日文章事業繼魏倪李諸君而後照耀史冊大爲芒碭生色予於此有厚望焉時共事則學博士劉君楷歲貢兄弟陳君履端貢詮呂庠生胡應會劉一龍全時任汪用霖汪知新曹應第劉景星成雲鵬併書是爲序皆萬歷戊午孟冬

明 王文煥 邑人

大志權輿於禹貢及周禮之職方雖僻壤遐陬亦自有

碭山縣志

舊序

六

紀蓋用載往事以信將來碭始自嬴秦爲漢龍濟由來遠矣而英賢輩出於其間豈無握管成一家言者謂碭無誌可乎或者瀕河多沮洳聯徐嘗用武非淪於泥沙則殘於兵火僅存什一於千百耳先是隆慶壬申邑侯荆楚王公雅尚墳典旁搜博採撫拾緒餘勒成一編將謂有其舉之莫或廢也當萬歷庚子歲幾四十年熒惑煽烈版籍灰燼又爲碭一缺典矣豈將有待而然耶及邑侯未如陳公以東粵俊才蒞宰茲土甫下車問風觀俗深慨其文獻無徵適饑饉賦繁民不堪命所急在捐

循煦與以休息卽哺餒櫛沐不暇而暇此乎三載來
政清刑簡時和年豐呻吟者而絃歌矣蹙額者而喜色
矣於是士民咸念我公稽古初心僉謂錫終可無志乎
因咸以重修請始猶謙讓未遑弗諾也旣而懇請者再
三乃進余諸生而叮之曰有縣必有志誠不可以湮沒
爲第志實錄也工藻飾者泛志史法也過溢美者設志
又公典也涉曲徇者私此皆志之癖也祛此三癖竊仿
春秋之遺意可耳諸生聞命唯唯退搜尋舊編重加考
證復參以衆耳目之聞見秦漢前無考不敢臆說附於

碭山縣志

舊序

七

外嗣是亦無敢掛漏於其中列爲二卷屬以篇曰山川
形勝因乎地風俗水土宜乎民人文宣朗在於興賢育
才不曰學校之富設乎事業炳彪見於文治武畧不曰
官守之無曠乎城池創而新再見經始之勞賦役煩而
簡無復額外之徵稽孝義則事君事親若分之爲兩表
貞烈孰難孰易總合之爲一至於序記碑銘必其事有
關涉入之否則雖工弗錄而災祥亦備紀之以資警省
取其大不遺其細仍乎舊聞引乎新刪煩就簡譬之鶴
長鳬短各適於宜銓次成帙錄以上公公復繙閱詳加

斤郢然後授之梓人復命余贊附于末簡余弗文曷能
爲是役惟仰承德意矢心自盟所與諸生共者不以愛
憎徇情不以毀譽失直不以諛言夸毗不以浮華炫奇
而已乃藉以窺豹之見得與續貂之後抑厚愧矣

明劉芳邑令

夫志之爲書大矣哉前賢以邑志擬國史其言最確故
杞宋無徵卒起夫子之歎董班繼筆至今歷代可稽史
之有裨於國也如是而邑志可緩圖耶碭固古名區其
中風物形勝諸盛蹟雖舊乘備繪其詳然祇紀戊午以

碭山縣志

舊序

八

前云爾自後漫不可攷予每爲之太息因承乏方初不
遑申續幸觀察徐公志切採風檄下修舉於是揖諸學
博而以舊帙屬之旬日間具稿分條析類按款摹真彬
彬然快人心目頓令二十餘年之缺典悉見乎今日予
甚喜而躬覩其全也余叨牧茲土凡於民稱便者務必
竭蹶從事庶幾可藉手以謝瘼曠顧負乘駑駘不逮之
匡良於諸學博有厚望焉是役也總裁則學博陳君子
朝陸君養正編輯則鄉紳汪用霖等考實則廩貢徐騰
芳等較正則生員關應臣等例得併書以付剞劂氏用

昭共事云昔崇正己卯孟夏

國朝郭浩邑令

乾隆戊午之秋浩奉檄來碭晤孝廉李君仙植于真州孝廉蓋曾族碭一載故訊其風土事宜因知邑志自前明萬歷以來迄今未修文獻靡徵共相歎為墜典卽擬偕孝廉洎其弟徵君仙榜錢塘陳徵君撰共續成之迨至彭城謁郡憲石公正擬修輯郡志而邑志尤不可後矣適徐郡博田君力請任其事未幾星馳至邑是時值予以災賑河務晝夜紛紜凡其纂輯不暇詳覈解組而

碭山縣志

舊序

九

後念此事不可中輟爰取成書再三披閱重加刪訂寧嚴毋寬寧隘毋濫其增減去留且與新宰鄔君學博謝君曹君及邑紳士共定之不敢卽謂研練之勤綜攬之備足比惇史然是非無私抑亦可以自矢矣至毛城鋪之役通河憲高公爲宣洩淤漲總匯於洪澤不惟有裨河工實則保護諸路無限民田爲百世永利所發諸章奏條議並應詳載以示來茲而河憲至碭相度時會屬浩於大河之南北勸諭諸紳士各輸已力開濬引河四道幸皆踴躍樂從至前秋七月洪水西來汎濫鄰境而

碭邑受災較輕者要皆出自引河預濬之力也故並及之若夫按星野則慮玉衡七星之墟或人事之未克盡考輿里則慮蕭虞歸永之訥或先事之未及周釐賦役則念良法美意之或廢失其初稽吏治則思循良慈惠之或不克逮至於孝弟科名文章學校其所以耀貞珉垂簡策者鼓舞而振興之是又在後來蒞政之大賢君子矣浩雖遠去其何能無厚望哉昔乾隆壬戌夏月

國朝鄔承顯邑令

碭山縣志

舊序

十

其情雖詳懷有古史之遺意也然史以明信志亦如之苟閱百年而文獻無徵則歲序之遞嬗風會之遷流其中興替不一因革異宜規治化者忘所自察風土者湮其由不幾同夏五薛鼓之無據乎則志之當修而修之不宜緩也明甚第邑長爲民社寄簿書錢穀庶務倥傯日不暇給雖復欲究心掌故而勢有所不能碭志自明季纂修以來歷一百餘年未之舉行舊簡既缺新跡將湮福唐郭公洎任毅然任爲已責謂是風化所係而分所當爲博採舊聞廣諮衆論補其闕正其訛酌其可否

銖稱而寸度之哀益其多寡次第以釐定之既成授之梓人將欲刊布乃以予承乏是邦繼公之休與有責焉問序於予予惟公之德渥厚矣教之入人深矣三年遺愛不獨甘棠是役也以百年創見之事告成於一旦則士誦新書民歌舊德公之名當與是志並垂不朽矣是爲序

碭山縣志

舊序

十二

碭山縣志凡例

一 碭志創于明隆慶六年前令王廷卿再修于萬歷四十六年前令陳公秉良三修于崇正十二年前令劉芳四修于

國朝乾隆七年前令郭公治雖四經纂輯而綱目未分事文簡錯閱者不無遺憾茲特詳加考訂分綱列目以求至是

一 志立門類比事分屬閱者方可依類相求前志混而未分終覺未愜今倣後漢書定爲十志取其義

碭山縣志

凡例

一

相附麗者別爲小類屬之卷釐一十有四爲綱者十爲目者七十有七綱以舉目目以隸綱各歸部畧不相勢亂

一 今志與舊志不同如舊無而今有者爲輿地志中之物產河渠志中之河溝建置志中之兵衛學校志中之褒崇位次儀節祭品樂章舞譜樂器考舞器考書籍書院賦役志中之戶口起運雜稅蠲賑人物志中之忠節儒林文苑藝術藝文志中之揭之賦皆係新補有舊同而今異者爲沿革爲星野

爲列傳皆係初構有舊畧而今詳者爲疆域爲形勝爲山川爲古蹟爲黃河爲隄防爲坊表爲學宮爲職官爲選舉爲祠祀爲人物爲藝文皆係增訂有舊有而今刪去者爲舊勲爲帝系爲篤行益舊勲併之列傳而帝系不特與志例不符且漢高係豐沛人與碭無關至篤行則分載之忠孝廉節中可矣歷覽史書無此名目也

一志首輿地次河渠河渠亦輿地也以其事繁而關係甚鉅故另爲一志分郡縣卽有建置建置定而

碭山縣志

凡例

二

後有學校有賦役學校先賦役者民無信不立也然必設有司以主宰之故次職官職官有賢否故次名宦由是而尊賢使能則有選舉崇德報功則有祠祀而人物生矣藝文者記古今考疆域以備志之全局者也故以此終之

一志自陳公修輯後相隔四十七年而有劉公然劉公輯而未刻遺書已亡又隔一百一十五年而有郭公其間紀載缺如及開館後力爲蒐羅幾有無徵之嘆久之得碭山實錄抄白一本乃順治四年

前令趙公啟建纂輯以應史館之採中得忠臣孝子烈婦名宦以及田賦戶口祥異皆前志所未及載者鬼神呵護應時而見亟分類纂入以成完書一學校爲興賢育才之地諸生習禮氓庶觀型一切名物器數勿可畧也用是細加考訂較他志爲獨詳

一選舉志爲薦辟爲進士爲舉人爲貢生爲應例爲武科爲武功而附以封蔭皆得書名舊志載候選典吏諸員幾成戶口冊籍矣悉削之

碭山縣志

凡例

三

一人物志最關激勵舊志寥寥數語未免簡畧今各據史書有傳者悉採原文補入如正史未見亦必詳參各書及家乘以備一方人物至從漢高起兵于碭如灌嬰陳馮十餘人旣非桑梓又非流寓舊志列之人物濫也今悉削而不書

一人物必須蓋棺論定方爲立傳其現存者雖品行學問德業文章彪炳烜赫錄簡未以俟將來一孝友節烈必已經請旌方爲登載然孝弟言行之原夫婦人倫之始事屬庸德操行實難故不拘

咸例破格書之亦維持風化之意云

一史兼褒貶故美惡同載志則義取勸勉體製各別今纂修邑乘期于傳信必確有實據方爲立傳非是寧嚴勿濫若前志已經載入則稍加刪潤以存其舊不敢妄爲去取也

一郭志列女一類多削去節孝事實僅書姓氏未免有乖闡幽之意今據江南通志州志府志明邑志補入其間有子孫呈請及採訪聞見真實者亦錄焉其無從考核悉仍其舊附刻之

陽山縣志 凡例

四

一詩文與地相發明及有掌故可稽考者始錄外此則忠孝節義可以扶持名教者載之若郭志所編歌功頌德之章統屬繁文槩從刪汰

一茲編與前志不同舊存者十之四新增者十之六非敢自炫博雅妄希作者蓋志爲傳信之書考訂詳明庶可備一邑典故然地當僻壤載籍鮮微寡陋之譏亦所不免惟識者是正之

重修陽山縣志序

郡邑之有志所以俟輶軒之采擇供史館之取裁者也故其名雖限于方域而實則達于

朝廷苟或撫拾未當源流未晰其不貽譏于大雅者鮮矣綜直省而計各有成書以備掌故而世之稱許者獨以崔後渠之彰德府志康對山之武功縣志爲盡善則是草創于一邦而傳聞于四境要當爲有目者所共識也陽爲漢高發跡之地界梁宋之間漢時經學實盛于此宜乎記載之詳此中自

陽山縣志 序

二

有文獻而何以舊志三修猶令人有遺憾也耶不敏承乏茲土簿書之暇偶一展卷歎紕繆之實繁恨闕揚之未盡盱衡上下每思釐定而損益之益志之分類雖多而舉其綱領祇以數大端爲最要姑以舊志論如考沿革則與正史相承明疆域則與輿圖無準星野未原乎古祥異僅始于晉戶口忘登夫載籍典禮不著于膠庠選舉濫及吏員人物謬存帝系書祠廟則歲月無稽彙藝文則後先倒置本漢人而錯列五代非土著而竟紀功勳

呈漏支離未易枚舉而魯魚亥豕猶其小焉者也
我

國家幅員萬里統志之修編行直省上之職方氏老
屢矣 璆 恭逢

聖世分符古邑雖才愧三長而心期一得乃與邑之紳
士踵舊增新更為部署字櫛而句批之以為異日
採取之選雖不敢媲美崔康而斟酌無遺或亦可
備一邑之藏弄也已

乾隆三十二年歲次丁亥仲冬中浣穀旦知碭山縣

碭山縣志序

二

事武緣劉王璆謹序

重修碭山縣志姓氏

纂修

知 碭 山 縣 事劉王璆

叅訂

太 平 府 當 塗 縣 舉人胡 瑛

採訪

歲 貢 生楊如桂

庚午科舉人國子監典簿蔣 為

侯 選 州 同張士栻

碭山縣志

姓氏

一

侯 選 州 同朱依仁

監 生戚道均

監 生朱方謨

監 生于世俊

廩 生李 培

廩 生李之標

校對

廩 生萬維誠

廩 生戚玉戚

增	生汪元琛
生	員席奕榮
董事	
原任淮安府儒學訓導汪枝芳	
貢	生陳福永
碭山縣志 姓氏 一一	

碭山縣志目錄	
輿地志	卷之一
沿革	
疆域	形勢
山川	古蹟
風俗	物產
河渠志	卷之二
黃河	附堤
建置志	卷之三
碭山縣志	目錄
公署	附倉
堤坊	里社
市集	坊表
兵衛	橋梁
學校志	卷之四
學宮	褒崇
位次	儀節
祭品	樂章
舞譜	樂器考

舞器考	書籍
書院 附社學 學田	
賦役志 卷之五	
戶口	田賦
起運	存留
雜稅	蠲賑
職官志上 卷之六	
縣令	縣丞
主簿	典史
陽山縣志 目錄	二
教諭	訓導
武職	
職官志下 卷之七	
名宦	
選舉志 卷之八	
薦辟	進士
舉人	貢生
應例	武科
武功	封蔭附

祠祀志 卷之九	祠廟
壇壝	陵墓
寺觀	
人物志上 卷之十	
刻傳	
人物志中 卷之十一	
孝友 附義行	忠烈
儒林	文苑
藝術	流寓
陽山縣志 目錄	三
仙釋	
人物志下 卷之十二	
義烈	完節
貞孝	
藝文志上 卷之十三	
制誥	記
序	傳
揭	書
贊	頌

祝文

藝文志下 卷之十四

詩

賦

錫山縣志

目錄


四



碭山縣河溝全圖

碭山縣志

圖




四

碭山縣輿圖

碭山縣志

圖



五